

03025

平定兩金川方畧

一



一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

一



## 提要

【欽定平定兩金川方略一百五十二卷】乾隆四十六年大學士阿桂等恭撰奏進。凡御製序文紀略一卷。天章八卷。冠於前。臣工詩文八卷。附於末。所紀平定兩金川事。自乾隆二十年六月癸亥起。至乾隆四十四年十一月壬午止。金川自郎卡歸命之後。威稜所憚。已不敢復逞凶鋒。而狼更生羶。野心不改。其子索諾木。與其頭人丹巴沃雜爾。煽惑小金川僧格桑。鯨吞九姓。無故稱戈。諭之不從。彌滋狂悖。蓋十稔之將盈。故兩階之弗格也。且夫食殘無厭。谿壑難盈。密邇維州。將生窺伺。與其後來貽患。待之於邊陲。不如先發制人。蹙之於巢穴。是以力排浮議。天斷獨行。再舉六師。重申九伐。雖逆酋恃其地險。暫肆披猖。而震我雷殛。終歸魚爛。僧格桑專車之骨。先獻旌門。旣而轉關于盤。剽平三窟。索諾木力窮勢蹙。亦泥首而就俘焉。蓋自三古以來。中國之兵力。未有能至其地者。惟我皇上睿算精詳。天聲震疊。始開闢化外之草昧。是以語其道里。視河源萬里爲近。考其疆界。視天山兩道爲狹。計其生齒。不能敵三十六國之一。而頌聖武者。乃覺與乙亥西征。擴地二萬餘里。後先同軌。豈非以涉歷之遠。至伊犁而極。山川之險。至兩金川而極。均爲克千古之所不能克哉。恭讀是編。具詳決機制勝之始末。益知戊辰之役。爲天心仁愛。不欲窮兵。非力有所不能至也。



恭

進平定兩金川方畧表

總督講起居注太子太保議政大臣 御製大臣領侍衛大臣 武英殿大學士淵閣領閣事兼翰林院

大學士掌院學士吏部尚書都察院都統等誠謀英勇公 阿桂等謹誠稽顙首言欽我

皇上

化洽三光

功昭七德



璣衡立極經躔開白阜之圖

金鉞銷萌愷曲奏黃神之樂雪磧之共球並集常

瞻北斗朝

天炎州之冠帶頻徠不藉南車指路正六符而育物

鳳紀同遵赫

一怒以安邊龍韜永耀蠢金川之兩部介玉壘之一隅俗雜番獠地憑谿崙碣門西峙傍八國以分

區瀘水東迴控三城而置戍辨羌名於白狗山  
川本漏圖經守吏約於黃龍種落曾傳底簿鴟  
期食椹久安戎索之疆鷹竟離絛漸擾王官之  
畧初以磨牙鄰壤襍旗共讐於

神威繼因搏穎和門釁鼓幸寬於

赦令謂銜環之知感宜思樓薄同歸乃破鏡之生心  
仍敢夜郎自大八蠻煽毒吹曉霧以皆迷九姓

平定回疆方略卷之二十一  
二  
罹災候宵烽而競起蠶叢道遠恃險憑凌鼠穴  
踪深乘機蹂躪兇頑相濟索諾木則狼又生獮  
姻媾交驩僧格桑則唇還倚齒鹿芟殘卒三年  
未解登陴般囑陰謀半夜仍聞伏甲勢成尾大  
維州之嫚曲爭傳迹逞鴟張雪嶺之狂氛遂熾  
積養癰於疆吏但事羈縻急拯溺於邊人咸勞  
呼籲黎風雅雨將滋蔓以難圖鐵馬牙旗在操



刀而必割爰恢綱於玉策

特授算於珠鈴奪隘之旌旄門通箭枯震出關之

鉦鼓路繞夔松弓救日以初彎早散游蜂之聚

戟飛霜而並指先傾妖鳥之巢搗穴擒生檻底

之孤豚就縛投林乞活網中之逸獸輕奔藪問

逋逃方六師之采入心搖間謀乃三窟之潛營

伏莽俄興自作滔天之孽前禽偶失暫稽授首

之期實覆載以難容爲人神所共憤於是

謨宣帷幄更調庚符令肅雷霆重蒐甲乘倚銅梁而  
築壘三霄之鼓角齊鳴提金印以臨邊八陣之  
風雲來會牙璋簡旅驍騰控鶴之軍畫策催征  
繹絡飛龍之騎秦黔練卒切同仇而士氣先揚  
彭濮濟師感効順而兵容倍整握中黃以定計  
神鏡高懸拂太白以騰芒王鈇密運三驅並進方圓

成風后之圖兩路交攻首尾應常山之勢掃欃  
槍於境外遺番競駭梯衝收滴博於雲中故地  
重登衽席遂全軍之壓境策妙攻心更別將之  
分營形成犄角甄岐左右望疊嶂而平吞逕繞  
東西薄高垣而立破雪花亂舞爭銜入蔡之枚  
礮火羣飛如扇燒秦之焰攙天絕壁連山之旣  
脫全空匝地層冰一路之卽籠盡棄穿羊腸而



鑿險不須棧度陳倉鼯狼尾以批虛忽訝藤攀  
綿谷尸僵貳負專車之殘骨初來霧暗蚩尤絕  
轡之游魂待盡窮猿鋌鹿勢已難支束炬懸繩  
勇彌欲賈建饒直下岡巒開聚米之紋拔幟先  
登草木懾焚林之氣黑飈捲野木思工之山魅  
皆逃緋雨漫空達爾圖之沙蟲併化接聲援於  
肘腋江邊則魯柝聞邾招潰散於腹心幕下則

漢歌盡楚崇墉頽後不封面谷之泥祆廟燒殘

都付陸渾之火屬臬巢之未覆一川乍阻銀濤

還雉堞之交縈七里思憑鐵郭囊堆飛雪沙平

而梯棧相連橋截長虹浪息而窟鼉競徙鉛丸

裂地正頭焦額爛之餘銅弩捎雲是兔竄鼯驚

之會十五之桂輪秋滿長圍恰喜同圓三千之

犀甲宵寒堅壁俄看自墮窮株漫守佇春長狄

之喉舊砦先摧已斷匈奴之臂機迎破竹頓血  
刃以無煩策定張宜淬霜鋒而更利疆原井絡  
坐真雞甕之天峽是車箱困比馬陵之樹旣生  
成之白絕唄誦寧靈况親戚之多離壺篋競獻  
樊籬盡剪徒匿影於溝中腹背交乘竟會軍於  
柵下陞周萬里盼蟻援以難呼暈合三重任鷲  
飛而莫度蒺藜布地井汲都窮霹靂橫空奔投



不斷反戈相向已聞海國之登具櫓何曾空覲  
草船之遁逐釜魚而丐命未容沙壹隨兒懷首  
鼠以偵師不見婆籠挈弟六州鑄錯悔把茅銜  
壁之應遲三箭成功欣繫組反衿之並獲空其  
窟宅潛宮而窺竅除蹤繫厥妻孥貫械而蝮蝻  
絕種正衙宣凱偕陳泮水之囚蠻邸知威來看  
藁街之戮朱旗送捷雪山之笳鼓流歡紫閣書

庸瀛苑之笙簧洽惠文呈霞霽

天銘鑿冠日之峰彩絢丹青

御贊灑凌雲之壁競說河開大渡慶

王師洗甲新還定知城號無憂聽諸部放牛高卧元

戎建節押熨爨於羣番裨校分屯奠耕耰於列

戍秋風吹角往來之繻傳交通春雨攜犁高下

之田廬相望輯交問而會朔長增立本之圖拜

魏闕以朝正親奉唐鼓之樂凡此威申玉律

聲靈昭功德之符皆由照朗璇樞

宵旰協陰陽之撰紛排築室密操

獨斷之謨應契占筮動炳

先幾之鑑正奇互用戎機必制於萬全情偽周知狡  
計難施於百變

軫衷瘡之力戰拊巡如在行間



念同澤之從公體恤常深格外順景風以行賞曾不  
踰時肅憲令以明誅從無佚罰飛芻踴躍猶

頌太府之金錢安堵恬熙頻貸神倉之玉粒惟

至仁之疇覆則象星辰故

常武之宣昭折衝樽俎雖

淵衷謙抑淮平尙歉於刊碑而

睿略恢宏苗格宜詳於作典爰修辭於簡牘幸奉

天俞迺起例於丹鉛曲邀

宸定鉅綱細目徵文超黃石之編右動左言按籍括  
環珠之要諸葛書七擒七縱發函具闡

神謀司馬法九地九天屬稿常臚

秘畫牙籤葳業庶成唐代之一經金匱揚輝真邁周  
家之三策天保以上采薇以下治內外而咸視  
此書濮鉛於北祝栗於南軼古今而莫名其盛

臣等或曾膺外闈或夙侍中樞共際

昌符式瞻

隆軌援枹而先將士幸

進止之親承珥筆而受

絲綸悉機宜之面稟

訓詞恭繹記羽書夜遞之時宣底重瞻恍銀甌晨披

之候編摩粗就愧發揮莫罄



高深鑽仰難窮信詮次還虞挂漏惟願依光

冊府千秋垂雅頌之聲常欣偃伯靈臺萬國會車

書之統臣等無任瞻

天仰

聖踴躍懽抃之至謹奉表恭

進以

聞

卷之九

一、

二、

三、

四、

五、

平定兩金川方畧

總裁提調收掌纂修諸臣職名

總裁

經筵日講起居注官太子太保議政大臣 御前大臣武英殿大學士領侍衛內大臣文淵閣臣  
領閣事兼翰林院掌院事管理吏部刑部戶部三庫事務鑲黃旗滿洲都統世襲騎尉

舒赫德

經筵日講起居注官太子太保議政大臣 御前大臣武英殿大學士領侍衛內大臣文淵閣臣

阿桂

閣領閣事兼翰林院掌院事管理吏部刑部三庫事務鑲黃旗滿洲都統等誠謀英畧

經筵日講起居注官太子太保文華殿大學士文淵閣領閣臣

于敏中

事兼翰林院掌院事管理戶部事務世襲一等輕車都尉

太子太保議政大臣 御前大臣領侍衛內大臣高貴閣提舉閣事管理吏部戶部三庫理漢臣

福隆安

鑲黃旗掌院內務府大臣兼管駙院健營營務正白旗滿洲都統和碩額駙等忠畧



經筵講官太子少傅戶部尚書臣梁國治

提調官

光

祿

寺

卿臣

保成

工

部

郎

中臣

海寧

吏

部

郎

中臣

海廣

戶

部

銀

庫

員

外

郎臣

伊江阿

戶

部

郎

中臣

汪承霈

吏部

郎

中臣 馮應榴

戶部

郎

中臣 劉謹之

刑部

郎

中臣 王嵩柱

內閣

侍郎

讀臣 孫永清

收掌

理藩院

中臣 佛喜保

戶部

郎 舒濂

戶

部

主

事

臣

敷倫泰

戶

部

主

事

臣

特克慎

兵

部

主

事

臣

穆克登

吏

部

員

外

郎

臣

陸瑗

兵

部

員

外

郎

臣

史夢琦

工

部

主

事

臣

蔣謝庭

內

閣

侍

讀

臣

吳熊光



滿總纂

兵

部

郎

中<sub>臣</sub>

富森布

漢總纂

大

理

寺

卿<sub>臣</sub>

王昶

翰

林

院

庶員吉

士<sub>臣</sub>

馮培

滿纂修

戶

部

郎

中<sub>臣</sub>

巴尼琿

兵

部

郎

中臣

勒

保

工

部

郎

中臣

蘇成額

戶

部

銀

庫

員

外

郎臣

蘇楞泰

戶

部

員

外

郎臣

良柱

兵

部

員

外

郎臣

敷森布

工

部

員

外

郎臣

永德

戶

部

主

事臣

瀚圖

漢纂修

詹事府左贊善臣吳壽昌

翰林院中修臣金榜

翰林院修臣戴衢亨

翰林院編修臣王嘉曾

戶部員外郎臣曹焜

戶部員外郎臣劉坤



刑部員外郎

臣沈啟震

兵部主事

臣徐長發

原任禮部郎中

臣施朝幹

翰林院庶吉士

臣關槐

內閣中書

臣嵇承志

協修

內閣侍讀

臣呈麟

理藩院主

事臣賈楚堯扎布

欽天監五官

正臣巴達爾瑚

校對官

內閣中

書臣張敦培

內閣中

書臣張虎拜

繙譯官

兵部主

事臣伊都

工

部

主

事臣

永安泰

理

藩

院

主

事臣

富喀善

內

閣

中

書臣

伊期善

內

閣

中

書臣

固寧阿

內

閣

中

書臣

福松

內

閣

中

書臣

曹廷奎

戶

部

筆

帖

式臣

善慶



理藩院筆帖式臣索明阿

太僕寺筆帖式臣同安

光祿寺署正臣伊爾登額

...

...

...

...

...

...

...

平定兩金川紀畧

乾隆四十有一年。歲在丙申。春二月。兩金川平。

武功露布。神人慶洽。

皇帝俞廷臣請。

勅

臣阿桂。

臣福隆安。

臣

梁國治。編纂方畧。

臣

等謹率

同纂修諸臣。編年繫月。成書若干卷。依次進

呈

臣等竊惟金川爲漢冉駹外徼。隋置金川縣。唐屬



維州。至明隸雜谷安撫司。要皆遙爲羈縻而已。

我

聖祖仁皇帝六十年辛丑。其土舍內嚮。乞爲外臣。始受

印信。西番語。大川曰促浸。小川曰僂拉。因有兩

金川之號。嗣促浸土司郎卡。繫僂拉土司澤旺

以叛。乾隆十三年戊辰。

上命大學士傅恒往經略。斬其黨良爾吉阿扣。與提

督岳鍾琪宣布

威德。郎卡投誠乞命。

上釋弗誅。俾守其土司如故。蓋

聖度包容。赦過宥罪。冀予更新。洵與覆載同量也。何  
意狼子野心。憑依險阻。構釁鄰封。卒至稔惡貫  
盈。並取鋤滅。斯則孽由已作。而

天討所用。誠有出於萬不得已者矣。金川險遠。地錯

番部其近者曰綽斯甲布。曰革布什咱。曰巴旺。  
曰布拉克底。曰丹孛稍遠者。曰鄂克什。曰從噶  
克。曰梭磨。曰卓克采所謂九土司也。二十三年。  
郎卡逐革布什咱土司色楞敦多布及攢拉土  
司之子僧格桑於吉地。四川總督開泰檄綽斯  
甲布章谷諸兵擊走之。時以番人儻殺不足煩  
大兵乃



詔九土司環攻之。久而漸懈。郎卡侵擾不已。至三十一年。總督阿爾泰赴康巴達。郎卡率衆跪迎。請悉反諸土司侵地。以女配僧格桑。維時阿爾泰冀苟安息事。而兩金川因狼狽爲奸矣。三十五年。僭拉遂侵鄂克什。據其地。阿爾泰等赴達木巴宗。僭拉土司澤旺老且病。其子僧格桑走訴鄂克什。詛其父子。故有隙。今願罷兵。悉反所侵。

掠許之。三十六年。郎卡之子索諾木。戕革布什  
咱土司。并擄其妻。慙忠僧格桑。攻鄂克什。又分  
侵明正土司地。阿爾泰等奉

詔出師。克復明正侵地。是歲十一月。

命大學士溫福。自巴朗拉。總督桂林。自約咱。攻克之。  
三十七年三月。桂林克卡了。遣軍收復革布什  
咱故地。溫福克資哩。及阿喀木雅。五月。桂林有

墨壟溝之失。匿不報。爲阿爾泰所劾。

命臣

福隆安馳至軍勘問。罷桂林。

臣

阿桂以參贊大

臣赴南路統領。十一月。克翁古爾壟。僧格宗十

二月。遂克美諾。美諾者。小金川官寨也。與金川

之勒烏圍。噶拉依。並踞形勢。隱然爲三窟云。溫

福克布朗。郭宗底。木達。俘土司澤旺。解京。而僧

格桑自美卧溝竄入金川。乞援於索諾木。索諾



木陰拘留之時。兩軍既會。

命溫福爲定邊將軍。

臣

阿桂、豐昇額副之。進討金川。

三十八年。索諾木旣拘留僧格、桑陰。遣其頭人  
七圖安堵爾等。間道出美卧。煽故番之降我者。  
以撓我軍後。時將軍溫福移軍木果木。賊猝掩  
山後。攀援而上。綠營兵先潰。溫福遇害。小金川  
地、美諾一帶。復陷於賊。

上赫然震怒。磔澤旺於市。七月臣阿桂在當噶爾拉。

由南路整兵出翁古爾壟。

上授爲定西將軍。豐昇額明亮爲副將軍。色布騰巴

爾珠爾富德並爲參贊大臣。調滿洲健銳火器

營。吉林索倫諸軍赴勦。臣阿桂西路。明亮南路。

軍心奮厲。所向克捷。旬日間。盡復小金川地。三

十九年正月。臣阿桂進據金川谷噶山梁。明亮

克馬尼山前石卡。富德繞出山後。合爲一。奪取

絨布寨。明亮遂克木谿。卡卡角。是時豐昇額同

舒常攻宜喜未下。而絨布軍抵庚額特。亦阻於

險。二月臣阿桂克羅博瓦山梁。六月。克色溯普

此兩地並堅礮。賊以死守。我軍鼓勇殲之。直臨

遜克爾宗。賊大創。拒我且益力。臣阿桂偵知喇

穆喇穆迤西。備禦稍疎。卽分兵越隘。蟻附猿引



而登。並攻日則了口下之。時豐昇額等八頓凱  
立葉。明亮尚軍絨布寨。乃

詔豐昇額赴西路軍。留叅贊五岱駐凱立葉。牽綴之。  
明亮亦分兵七千。欲由凱立葉進攻。取道綽斯  
甲布。會綽斯甲布土司請爲明亮前驅。遂冒雨  
出不意。走宜喜山梁克之。并克俄坡格勒古。九  
月。促浸力不能支。冀緩我軍。值僧格桑已前死。

促浸乃縛七圖安堵爾等。及僧格桑屍。與其妾

側累。投獻西路軍前。悉械至京。十月臣阿桂克

默格爾。據日爾巴當噶。復克密拉噶拉木。及凱

立葉諸寨。而引凱立葉丹壩兩處官軍與之會

合。賊退守康薩爾山梁。四十年正月。我軍拔鹿

角。超重壕據其山顛。四月。攻木思工噶克了口。

破之。並奪沿河羣尼等寨。初明亮旣克宜喜賊

掘壕斷道。不得進。臣阿桂令海蘭察福康安等

率千人助之。攻甲索。合力奮擊。克其薩克薩谷。

和隆武攻克日旁。於是沙壩山。達爾圖得楞。皆

相繼下。是時西北兩路。隔河營壘相對。濟渡可

通。五月。臣阿桂西路克噶爾丹寺。及噶朗噶寨。

而遜克爾宗。在我軍後。久未下。乃分路攻之。豐

昇額督兵毀其碉。六月明亮克額爾替。及石真



噶。而賊所守昆色爾喇嘛寺者。在拉枯喇嘛寺

之上。地最險。臣阿桂由舍圖枉卡紆道入。截其

巖洞。令泰斐英阿進至拉枯寺。而額爾特直搏

昆色爾山梁。拔之。海蘭察克果克多山峰。遂圍

拉枯寺。縱火焚之。常保祿亦攻菑則大海。墮其

垣。明亮遂自石真噶下壓。克沙爾尼其溝北為

達思拉木。溝南為丹札木。皆克之。臣阿桂軍繞

巴占八九峰後。攻克冷角寺。進徧勒烏圍。攻轉  
經樓。樓與勒烏圍大礮相倚角。高礮八層。憑依  
爲阻。我軍首戴柴柶。手推沙土囊。進薄礮邊。層  
壘壘砌。頃刻成木柵三重。俯擊礮下賊。又穴地  
用礮。賊衆之掘溝以抗者。轟擊立斃。其西南有  
橋。曰甲爾日磔橋。爲噶拉依要路。募楚兵泗水。  
拽橋柱壞之。至八月十五日夜。我兵四面合圍。

呼聲動地。遂克勒烏圍官寨。捷奏至。

皇帝下詔嘉諭。臣阿桂旋議言。今爲進擣噶拉依之

計。宜先分兵攻取西里寨。繞出科布曲山梁之上。進抵瑪爾古當噶。勢若建瓴。賊可不戰而潰也。九月。由達烏達圍克莫魯古達斯里各碉寨。奮攻西里。破其三碉。十月。取西里之黃草坪。又克其兩山峰。壓至卡布角。十一月。克舍勒固租。



魯雅瑪朋。並取薩爾歪阿結占。諸寨。十二月直

上科布曲山梁。其最高處曰索隆古。悉攻克之。

進據則朗噶克了口。頭人色木里雍中等乞降。

願爲內應。遂由瑪爾古當噶。克舍齋雍中。兩喇

嘛寺。於十二月十七日。統兵進圍噶拉依。而明

亮軍之自琅谷而進也。連克日斯滿以下山梁。

並納木迪斯底葉安。復由日斯滿上通甲索克

阿爾古。又克獨木古上下寨。乘勝通乃當山梁。  
剗甲雜。躡獨松。遮巴布朗谷。時大軍旣圍噶拉。  
依賊巢。河西地遂迎刃而解。先是富德遣舒亮。  
等鑿地道。抵噶咱普山坡間。施火藥轟擊。至是。  
亦進據噶咱普。並據至馬爾邦。以次徇穆谷庚。  
額特。曾達諸寨。與兩路大軍會合圍攻。賊負隅。  
抗守益堅。四十一年正月。我軍用大礮晝夜環。

擊穿礮牆數重。殲賊無算。并斷其水道。賊益惶窘。當西路軍進抵噶拉依時。索諾木之母阿倉。

姑阿青等先相率出降。至是其兄莎羅奔岡達。

克等詣營。持兩端觀望。我軍攻益急。二月初四。

日索諾木率其兄弟土婦及頭人番衆二千餘。

人出寨捧印信。跪獻軍門。生就俘獲無一脫者。

自圍勦噶拉依。凡四十餘日。金川闔境悉平。夫



以逆酋抗拒

王命。蠶食鴟張。久爲西南邊外之害。其所恃者危巒  
斗削。雪深箐密。寸步千仞。以爲

大軍不能從天而下也。因是肆貪殘之性。逞陰狡  
之圖。始播言於維州。繼號召於昔嶺。罪難擢髮。  
亡速游魂。我

皇上掄簡六師。分路聲討。一切山川扼要。奇正機宜。

萬里軍情。洞若觀火。賞罰進退。不爽銖毫。又賊人詐僞百出。或佯請受降。或謀襲後路。

皇上九重默運。燭照如神。屢

飭在事諸臣。嚴防峻拒。使之蹙縮日甚。毋得稍售其奸。至於從征將士。摧礪箠砮。奮不顧身。則又

褒卹慰問。感涕行間。其番屬弁兵。偶竭微勞。必加溫獎。若夫軍鋒所指。采人長驅。履勝則戒以滿盈。遇

嶷則戒以輕率。悉皆

申諭再三。前後五年。無一不凜承

睿略。實由

聖天子之惟斷乃成。而

宵旰憂勞。用以臻此成烈也。爰乃謁

兩陵禮

泰岱告



闕里。獻俘。

郊勞。飲至策勲。五等榮封。世爵罔替。  
命繪諸戰圖以彰盛績。畫功臣像於

紫光閣。誨吉恭上。

聖母皇太后徽號。

頒詔天下。

慶典覃施。

御製碑文四篇。一刻太學。一刻美諾。一刻勒烏圍。一刻噶拉依。垂示無極。至若設鎮安屯。經久規畫。次第行之。逆酋等暨其醜屬。咸正厥罪。懸首藁街。而諸土司畏懷兼至。分年入

覲。便蕃

宴賚。一如哈薩克回部之制。猗與禕哉。臣阿桂膺闡

外重寄仰荷

天威。犁巢洗穴。備蒙

渥眷。

恩錫之隆。古所未有。復以兩金川耆定之地。皆所身

歷。

命與

臣

福隆安。

臣

梁國治編纂方略。書成。復撮其大

要。臚具顛末。以爲紀畧。

臣

等才識樛昧。未足窺

乾坤之運量。附



海岳之崇深。承乏編摹。無任慚悚。

Table with multiple columns containing faint, illegible text.

平定兩金川方畧卷首

天章一

平定兩金川告成太學碑文

太上立德其次立功又其次爲立言而德與功皆賴  
言以傳言之無文行而不遠文之時義大矣哉然傳  
德之辭直而寡傳功之辭費而多直而寡者不因文  
而德自見二典三謨經世立教是也費而多者必因

文而功乃明周誥殷盤佶屈聱牙是也吾嘗讀韓昌黎平淮西碑益悉此言之不爽何則彼其藩鎮乃家

奴之類慙患因循以致宛成敵國削而平之是宜引以爲愧而不可炫以爲功賴昌黎之文幾與江漢常

武同稱耆定然有識者固知其辭費而多飾而未知

憲宗之愧與弗愧耳今之平定金川之文不有類於斯乎解之者曰逆酋羈縻徼外非若淮蔡之居中土



元濟之爲世臣也吾則以爲旣已受職爲土司則是  
我臣而其地近接成都遠連衛藏則是我土我土我  
臣而橫生逆志蠶食鄰封將欲大有所爲弗勦而滅  
之則西川將不能安枕茲雖葳事與平定淮蔡擒吳  
元濟何以異故宜引以爲愧而不可炫以爲功者以  
此金川之始見於己巳告成之文茲不復記記其復  
叛而復征則其陰謀負恩已自戊寅年始蓋戊辰之

師實緣其跳梁不靖而師旣臨境彼卽窮蹙乞降遂以赦罪頒師甫十年而其酋郎卡卽與革布什咱構讐又四年遂與綽斯甲布及三雜谷爲敵而逆子索諾木兇悖益甚自恃地廣人衆力强與各土司構兵訖無寧歲故各土司皆畏之如虎而以勢分力散又莫能知之何余以爲業已受其降不宜復加兵且蟻鬪蠻觸不足以勞王師因命地方文武大吏隨宜彈

壓令弗越內地界亦足以安民而示度耳不虞地方  
大吏欲息事而每示寬逆酋轉以爲無足懼而日益  
逞其小金川逆酋僧格桑者始則與索諾木水火相  
仇繼乃狼狽爲奸於是索諾木計殺革布什咱土司  
色楞敦多布取其印勅以歸而僧格桑亦侵佔鄂克  
什地界且發兵圍其土司色達拉之官寨期於必取  
總督阿爾泰提督董天弼知事不可掩乃有發兵之



請是役也或咎阿爾泰依違誤事之過而余則以為

阿爾泰之過皆余之過蓋金川因其地險眾悍久蓄

異志是以有殺至維州橋之謠

維州本漢徼外羌冉駹地蜀將姜維征羌

駐此築壘後因名為姜維城唐武德初因其地置維州屢叛屢復廣德中陷吐蕃號為無憂城遂累入寇擾大中時始復內附五代蜀州內徙改縣曰保寧宋景德初改曰威州元至元間以州治保寧縣並入明洪武初於州境析置保縣本朝雍正五年省威州入保縣屬茂州今其地尚有維州橋之稱而促浸番人以殺至維州橋播為謠曲似係聞吐蕃舊事妄冀效尤耳則其不忘內地情率可

知戊辰之役我師深入屢勝卽不宜赦其罪而受其  
降此一誤也甫十年而郎卡偕恩作亂以及逆子踵  
其蹟皆不及發兵問罪惟令地方大吏隨宜處置又  
屢誤也以至尾大不掉終於興師故予不咎人之議  
爲窮兵黷武而轉咎已之類於姑息養奸蓋中國之  
制外域張撻伐則彼畏而斂跡主和好則彼輕而生  
心漢唐宋明之覆轍率可鑒也若謂予窮兵黷武則



子賴

天恩平伊犁定回部拓疆二萬餘里豈其尙不知止足  
而欲滅叢爾之金川以爲揚赫濯紀勲烈之圖哉雖  
然平伊犁定回部其事大矣然費帑不及三千萬成  
功不過五年茲兩金川小寇地不逾千餘里人不滿  
三萬戶而費帑至七千萬成功亦遲至五年則以跬  
步皆險番奴効命死守故得延至今日而我將軍阿



桂立志堅定決機明敏兩副將軍及叅贊領隊諸臣  
同心合力各軍士敵愾奮勇凡經大小數百餘戰而  
後成功視平伊犁定回部費力不啻倍蓰設非

天恩助順衆志成城則金川未易言滅而國威或致稍  
損矣是不可以不記觀斯文者尙諒予懷慚悔過之  
不暇知非稱功詡德而爲言其庶幾乎繫之以辭用  
誌始末云爾

小金首禍曰僧格桑兵救鄂什

向稱沃日今定為鄂克什急呼之則鄂什

也

竟抗顏行

僧格桑於庚寅夏與鄂克什土司構怨稱兵阿爾泰董天弼親往誠諭奏稱逆

會遵教退歸亦遂釋而不問未數月復圍鄂克什辛卯夏阿爾泰乃遣兵護鄂克什而逆會亦遂與官兵

交督臣提臣每事遷就知弗勝任將軍別授

阿爾泰等名為

進兵仍思遷就完事因諭溫福由滇赴川經理軍務且命桂林馳往視之辛卯冬因阿爾泰始終遲疑玩誤遂罷其職而以溫福代為大學士授定邊將軍由西路督兵進剿其四川總督則令桂林代之統兵攻

勦南

攻破巴朗

向訛為班爛山今改

直取達圍達抵資哩數月



克之兩路夾擊遂得美諾鼠竄狼奔金川助惡

溫福初至

西路卽策勵將士攻克巴朗拉乘勝直取達圍進攻資哩數月而克之繼命豐昇額爲叅贊同溫福進剿賊尋退還木闌壩我兵進抵路頂宗桂林在南路其始頗合機宜連破約咱卡了諸寨并復革布什咱侵地尋爲宋元俊所誤致有墨壟溝之失桂林匿不上聞爲阿爾泰所劾因卽罷斥而令阿桂以叅贊馳赴南路代領其兵南路自達烏至僧格宗皆峭壁懸厓礪卡林立阿桂董飭官軍勵勇摧堅采入其阻乘勝進擣美諾賊巢壬辰十一月遂克之溫福亦攻克明郭宗至美諾與阿桂會復督兵攻取布朗郭宗逆酋由僻逕竄入金川擒其父澤旺解京乃傳檄撫定汗牛大板昭等寨落小金川悉平而金川逆酋索諾木



復敢黨惡拒命  
因移兵並勦之

既平僭拉

小金川番  
語本名

遂討促浸

卽金川番

語名雪多境險奏功以沈奏功以沈賊更遮却綠營怯

懦遇戰辟易

攻勦促浸之兵温福由功噶爾拉阿桂  
由當噶爾拉分兩路並進功噶爾拉山

頂上了口賊築礮斷徑不能進遂別由昔嶺繞攻而  
礮堅地險兼多雨雪攻之半年雖屢得賊卡終未扼  
其要害綠旗兵旣懦葱温福又不善調度以二萬餘  
人散布各卡防守遂以分而見單賊窺其罅隙於癸  
巳六月遣番衆數百由問道潛出煽誘僭拉降番復  
叛董天弼庸懦失守爲賊所戕賊益猖獗擾温福後  
路直侵大營綠營兵衆先潰將領戰沒者多温福率  
親兵與賊搏戰亦遇害僭拉之地復失逆酋等罪大

惡極愈不可寬矣

兵既無能將復失算豈如南路全師而返

叶阿桂在當噶爾拉軍律明而士心固賊不敢犯然木果木有事之後當噶爾拉亦難獨駐遂整勵兵

衆由南路全師而出

重調勁旅吉林索倫健銳火器其心忠純

前已簡派八旗兵三千令赴川助勦為溫福等奏止使木果木軍營有滿洲兵在彼則綠營得所依恃不致倉皇潰竄是其事仍由溫福自誤幸阿桂一路軍氣甚嚴即授為定西將軍並選健銳火器營兵三千吉林索倫黑龍江兵四千迅赴軍營重籌進勦仍分兩路堂堂正正不旬日

間美諾重定

癸巳冬將軍阿桂統兵由西路進攻其南路則令明亮為副將軍進勦兩路並



進所向克捷旬日之間  
即收復小金川全部

谷噶既入馬尼

去聲

並克參養

旗兵允得其力

阿桂等於甲午正月搶佔谷噶了口  
山梁明亮等亦於是時攻克馬尼兩

路之兵皆因有八旗勁旅奮勇先登綠  
營觀感激勸皆効法恐後奏績甚速

醜三路進一

阻宜喜及彼絨布遇險而止

副將軍豐昇額同舒常  
於宜喜駐兵與阿桂明

亮共成三路第宜喜之兵攻勦半載未能寸進而明  
亮則由馬尼攻得木谿卡卡角及抵庚額特亦阻險

未能進遂  
駐絨布寨

阿桂西路則屢建功羅博湖普逮遜克宗

甲午三月阿桂攻克羅博瓦山梁六月攻克色湖普  
此諸寨並峯峻礮堅賊衆悉力死守官軍皆涉險銳



攻殲醜甚衆遂臨遜克爾宗

喇穆山梁日則了口舉默格爾以擾

其後

我兵攻克色湖普後賊衆防守益力阿桂偵知喇穆喇穆迤西峯厓陡削賊備禦稍疎因分兵

超越

進攻盡據其礪並攻克日則了口亦六月中事

其後

兵進稍阻至十月初復繞道攻得默格爾山梁

其榮噶爾博日爾巴

當噶之賊皆截於後

明亮宜喜亦據嶺梁而後難進

徒然望洋

宜喜爲賊要隘守禦極嚴豐昇額舒常攻之一年未下繼而命豐昇額改赴西路舒

常在彼更不能進甲午夏因明亮在絨布屢攻未進

不宜頓兵於無用之地令其分兵七千移攻正地明

亮遣偵卒往探不見賊蹤難以輕進亦赴西路協勦

阿桂札止之會綽斯甲布土司懇明亮駐宜喜并願

効前驅明亮乃出其不意分兵冒雨直進遂據宜喜山梁並攻得俄坡格勒古賊因掘濠斷路明亮等復

為所逮昨乙未畧康薩爾木思工噶賊礮並毀阿桂自攻

得默格爾欲乘勝直進賊復於康薩爾山梁抗阻兩

月餘乙未正月阿桂派兵分路潛進拔其鹿角連越

重濠躍上礮頂遂毀其礮鐵賊甚眾四月復明亮河

攻得木思工噶克了口從此下壓勢益順矣

西亦有所據日旁以前五十里路明亮因達爾圖之路為賊所斷商之

阿桂謂當仍由宜喜一路進攻並派西路兵一千令

福康安帶往攻克甲索礮卡海蘭察亦往會攻合力

并擊先克薩克薩谷其日旁右之沙壩山并達爾圖

得楞及溝內之斯年木咱爾各賊皆紛紛棄礮遁周



圍五十餘里寨落悉行焚燒

夾河兩軍聲息可通並清後路遜克

爾宗

五月中明亮攻克額爾替礪卡可下至平坡六月間復攻克石真噶寨阿桂派兵沿河從赤爾

寨攻打隔河之沙爾尼一帶兩岸夾擊聲息可通迨阿桂攻得噶爾丹喇嘛寺等處居高得勢以遜克爾宗在我兵之後留之非計遂派兵三路分進豐昇額督率攻勦或斫寨而入或梯牆而進遂得其礪殺賊無算後路肅清矣

菑則大海昆色拉枯層層破要步步披嶇

阿桂以昆色爾喇嘛寺在拉枯喇嘛寺之上於此路尤爲扼要其菑則大海亦當並勦分派將領統兵同往其昆色爾山梁最險官兵皆蟻附上攻佔其礪寨復縱火焚燒拉枯喇嘛寺又攻得菑則大海官兵無



不超越而登  
飛騰而入

遂克勒圍紅旗飛遞而何四月大捷未

至既克西里迺若建瓴科布

曲

索隆

古

不日而傾

阿桂

於八月十五夜攻克勒烏圍其附近礮卡木城六十餘處一夕無不摧破八日而紅旗遞至木蘭詳見聞捷凱歌及誌事詩自奏捷之後四閱月雖時有克獲未能深入直至十一月初攻克西里軍聲愈壯而賊勢愈感尋即攻得科布曲索隆古山梁並克格隆古兜窩等要隘又掃清安布魯木一帶益據建瓴之勢

矣

雍中舍齊易如拉朽密圍噶

喇

依賊其奚走

阿桂既克

索隆古進攻朗阿古則朗噶克了口等處皆克之並據噶占山梁十二月十七日遂將瑪爾古當噶一帶

寨落悉行掃蕩並克舍齊喇嘛寺次日復攻克雍中喇嘛寺卽於十九日統兵直擣噶喇依四面圍攻水陸俱斷促浸番衆自攻克勒烏圍以來大小男婦紛紛投出其大頭人布籠普阿納木達什阿庫魯等遂皆相率乞降並索諾木之母阿倉姑阿青及其姊妹亦皆投至軍營僉云索諾木莎羅奔兄弟并作惡之大頭人丹巴沃雜爾等皆在圍中此蓋逆酋賊黨是等罪孽深重天奪其魄驅之一處以就擒也

時河西明亮亦入富德馬邦傳檄芥拾

明亮旣克阿爾古等寨克

取獨古木開通乃當山梁並擣甲雜掃獨松河西一帶悉行勦洗過河會阿桂合攻賊巢富德亦將河南北之噶咱普庚額特曾達等各寨落全行掃清直據馬爾邦亦遣兵與阿桂會富德所得之地俱不煩兵



力易如

拾芥

設非西路圍噶喇依則其兩路亦無進期

明亮

富德兩路向皆艱於攻取而富德久駐絨布尤未能寸進自阿桂既克索隆古乘勝席卷已圍噶喇依各處之賊皆膽破心散望風潰降非果由力戰而得若非西路官兵直擣明亮富德兩路仍未有進取之期也諸軍既合火攻周遭雖據三穴訖其奚逃然猶死

守四十餘日計窮力竭乞命而出

官兵四面合圍賊猶負隅力抗繼用

大礮環轟摧其礪卡將士等乘勢克取旁近寨落層層進逼殲賊日多逆酋惶懼遣其兄岡達克彭楚克次第詣營並即拘繫於是攻圍益急據其近礪斷其水道索諾木窘迫無計遂於二月初四日早率其兄



和莎羅奔甲爾瓦沃雜爾斯丹巴并兩上婦及黨惡  
大頭人丹巴沃雜爾阿木魯綽窩斯甲尼瑪噶喇克  
巴並兩喇嘛挈大小頭目男婦二千餘人出寨逆信  
跪捧印信乞免誅戮因即悉就擒獲俘獻京師自圍  
勦以來計四十餘日至是全竟蕩平罪人斯得紅旗  
於二月十二日馳至桃花寺行在適當告功 東陵  
之期此實仰賴 皇祖默佑益深感敬隨諭將軍阿  
桂等統成功將士擇日凱旋俟東巡迴蹕至黃新莊  
舉行郊勞大典以 金川之功阿桂居首特恩異數加  
昭偃武策勲之盛

之宜厚

征勦金川之役實由將軍阿桂蓋誠體國不  
憚艱勞制勝運籌克成偉績實爲此事首功

特封爲頭等誠謀英勇公加賞雙眼孔雀翎紅  
寶石帽頂四團龍補褂金黃帶紫轡以昭崇獎 能出

能入有權有經運長擊短後實先聲金川之功允咨  
羣力寸步層峰冰滑石灰將軍指揮無不奮勇以此  
破敵鹿埕隴種金川之功非予所期事弗可已久而  
得之鬪猶獸困捨懲雞肋念我衆勞至今心惻金川  
之功允賴

上蒼靖彼蕃徼我武惟揚勒碑太學用遵成例靜言思  
之文以誌愧



平定小金川勒銘美諾之碑

首禍者必有奇禍之遭，僭德者必有凶德之報。蓋僭拉之首禍，實由促浸之教；而促浸之僭德，亦由僭拉

之肇。故戊辰之役，以救僭拉而有促浸之征。

前因金川侵擾

小金川拘其土司澤旺，地方官諭之不從，輒敢干抗。戊辰冬，遣經畧大學士傅恒統禁旅往勦我武。方揚而莎羅奔、郎卡窮蹙，乞命因矜其頑蠢，遂允受降。澤旺乃得復歸故地。郎卡始尚畏懼，歛迹未十年，輒思吞噬鄰封，時相仇殺。彼時以蠻觸爭衡，乃其常事，亦遂聽之。郎卡既死，其子索諾木轉與小金川僧格桑



狼狽爲奸負恩梗化遂致復勞師旅深悔前此之姑息矣 茲辛卯之師以伐價拉

乃並促浸而掃

僧格桑恃有索諾木黨惡欺蔑鄰疆攻圍鄂克什官寨佔其境地羈其土

司經前督臣阿爾泰等往諭罷兵退地逆酋陽奉陰違浸至辛卯夏僧格桑乘索諾木侵害革布什咱土司之釁益復滋橫並且修築礮卡謀抗天朝勢不得不加以兵革而阿爾泰因循貽誤遂命溫福由滇入蜀授以大學士統兵征勦卽攻克巴朗拉繼又克復達圍一帶以至資哩官兵前抵路頂宗仍不能進壬辰夏阿桂以叅贊赴南路統兵於是年冬攻克僧格宗甫半月卽乘勝攻得美諾其餘寨落悉傳檄撫定小金川平而僧格桑逃往金川索諾木匿而不獻於是移兵並討促浸矣 彼其緩則頡利

突利之相猜急則僞如榮知之相保然而地險人強

機謀深造則儻拉遠不如促浸故美諾再入而再克

美諾未嘗不險而一克僧格宗其勢遂如破竹逆酋  
僧格桑初竄布朗郭宗溫福由明郭宗統兵往捕僧  
格桑已從美卧溝遁入金川擒其父澤旺以歸溫福  
爲將軍始猶勇往繼乃昧於籌畫又不得人心癸巳  
夏賊衆從後路潛出遂有木果木之變美諾亦尋失  
去乃命阿桂爲定西將軍發八旗勁旅往勦阿桂部  
署稍定於十月廿九日進兵自資哩至美諾五晝夜  
悉行恢復實爲神速而僧格桑旣至金川索諾木即  
羈留不遣卽其謀擾木果木但令小金川賊目七圖  
安堵爾同往美諾號召而不使僧格桑復還故巢則



索諾木之密圖吞併僭拉以次蠶食旁近土司并日  
欲侵及內地固已漸露端倪罪惡貫盈實難輕追耳  
雖南有僧格宗北有明郭宗而我師奮力攻取無不

立摧堅礪遂據官寨之穴窖

美諾爲小金川官寨卽其巢穴也

此固

皇天助順將卒盡力而亦其首禍借德之招是用勒銘

酋巢永鎮箝徼



平定金川勒銘勒烏圍之碑

美諾既克移問促浸狼狽爲奸而更謀深劫木果木  
自壬辰冬攻克美諾逆酋僧格桑竄去索諾木匿而  
不獻於是移兵申討促浸時溫福爲將軍由功噶爾  
拉進勦阿桂爲叅贊大臣由當噶爾拉進勦溫福旋  
攻據昔嶺遂駐木果木師久不得進溫福紕於謀以  
營中所有之兵築卡布守旣耗兵力且以分而見少  
癸巳夏賊酋窺其無能乃逞狡謀令賊目糾衆自美  
卧溝及大板昭潛出號召僭拉降番復叛擾木果木  
後路溫福漫無部署軍營爲賊所劫綠營怯兵一時  
俱潰溫福被害其餘大臣官員兵丁陣亡者甚  
多我朝用兵從無如此挫折者思之實堪切齒其恨

至今將士何辜弗雪冤沈兵威大振勁旅繼至師分

兩路谷噶馬尼

去聲 木果木之失皆由營中無滿洲兵爲之表率亦由溫福等奏阻故

已派而未遣及溫福旣債事知綠旗兵之終不足恃乃派健銳火器營兵二千吉林兵二千索倫黑龍江兵二千並派西安荊州駐防滿兵四千前往以爲之倡又添派陝甘滇黔兩湖精銳數萬合力大舉以阿桂爲定西將軍豐昇額明亮爲副將軍阿桂遂統八旗勁旅閱五晝夜而恢復僭拉全境乃進攻促浸甲午正月阿桂自西路攻克谷噶丫口佔其山梁入賊境百餘里明亮亦自南路攻克馬尼此爲再進克捷之始軍上下同心據忠敵愾西路遂進南路畧泥

聲大振

去聲



劫島日入西路進攻噶喇依從南路進攻阿桂自

攻得谷噶了口遂能扼要所進據皆其險隘明亮等

兒得馬尼雖時有小捷然夷難恃馬爾邦

俱未易攻進於是遂專望西路之得手矣

阿桂自了口進兵以羅博瓦為賊人緊要

門戶因派兵五路分將領率之超越而登

遂將羅博瓦山峯及喇穆喇穆併占默格

山岡礮卡盡行攻克自三月間

攻得羅博瓦阻雨數月至六月初稍晴遂克其岡下

之色溯普又於六月下旬盡克喇穆喇穆山梁及日

則了口七月中又克其該布達什諾大木城并焚燒

格魯瓦角寨落十月中復佔其默格爾山梁其地在

日爾巴當噶之下榮噶爾博之上向閱地圖指以咨

詢阿桂而所籌適相合既佔此山梁遂克密拉噶拉



木大寨並克獲凱立葉  
各寨我兵勢益聯絡矣

獲康薩爾木思工噶

叶阿桂自十

正月攻得默格爾駐兵密拉噶拉木幾兩月餘至乙未  
正月十二日官兵乃攻克康薩爾山梁其險倍於他  
處賊之守禦亦更堅而官軍於三日內全得之其後  
復因雨雪頓兵三月至四月初十日天霽雪消十四  
日中夜官兵潛進攻奪木思工噶克了口阿  
桂自謂一日而收三年未竟之功洵不妄也 遜克爾

宗其險難託

遜克爾宗為勒烏圍賊巢外險自前歲  
四月間攻之經年未克阿桂自得木思

工噶克了口之後於五月初攻克噶爾丹喇嘛寺及  
喇嘛又搶佔舍圖枉卡已居高得勢而留遜克爾  
宗在後究屬非計乃於五月十二派兵前往時霧氣  
四塞官軍乘勢攀越崖磴直至礪根遂將其地上下

石礪本賊悉行攻克是役也豐昇額之力居多因於其公號果毅下增繼勇二字嘉其能紹乃祖額宜都之績也  
凡此數處林立堅礪層次攻勦我師實勞據昆

色爾乃近賊巢北軍亦至隔河匪遙

七月初二官軍乘夜潛進直上

昆色爾山梁蟻附登礪立時攻克初四日夜官軍縱火焚賊寨至拉枯喇嘛寺飛騰而入又得喇嘛科爾三寨並攻克雷則大海竭三日三夜之力佔地縱橫三四十里焚其礪寨一百三十餘先是明亮在南路以其株守無益令移兵北路會勦甫至宜喜卽得達爾圖山梁至是復由茹寨攻進連克額爾替石真噶等寨盡得其上下沙爾尼之地  
曰勒烏圍賊舊官寨與阿桂軍營僅一河之隔矣

垣固礮高力守要害經樓輔車陡礮畫界木卡石城

蠶簇鱗繪拿柵周遭援路截其泗水拽橋囊土濟師

勒烏圍為賊舊巢恃其礮高墻厚守拒甚力且有轉  
經樓相倚角中間礮卡鱗次又阻以高礮五層殊不

易攻阿桂於勒烏圍轉經樓之中拿柵以截賊人接  
路並令冷角寺一帶官兵由西北而南沿河拿柵以

斷其下水之路又募楚兵善泗水者繫巨索於甲爾  
日礮橋柱以拽圮之又以礮邊賊人鎗石可及乃令

官軍頭戴紫柵手推沙囊匍匐而行至礮沿  
層積堆起趕列三層木柵以擊礮下之賊  
穴道云

出轟以地雷

凡此百計用盡無遺

並於所掘地  
中用礮轟擊



下掘溝抗拒賊衆凡可以用力設法者籌畫備至阿桂可謂善於謀矣

四面礮攻礮摧

垣裂遂督大軍破牆衝圍遊魂弗支奔迸蹙躅功成

一夕中秋八月

官軍四面合圍礮轟鎗擊並拋擲火彈所遇礮卡或拔柵斬關而入或攀

援踴躍而登呼聲四起賊衆披靡殲殆盡惟莎羅奔兄弟及賊目丹巴沃雜爾聞風先竄究亦難逃

天網計亥子丑三時將勒烏圍官寨轉經樓喇嘛寺悉行攻克凡賊所恃以抗拒之處一夕無不摧破時

乙未八月十五夜也

衆軍之力一帥之謀靖彼賊穴安我蜀陬

肫乎厥忠卓乎厥猷銘誌鴻功永示千秋

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

臣等謹將平定回疆方略卷一百一十五

平定金川勒銘噶喇依之碑

向不云乎弗加征而自臣屬謂之歸順始逆命而終  
祿服謂之歸降若今索諾木之窮蹙率弟兄出碣獻

印不但不可謂之歸順卽歸降亦不可得而方彼其

抗命相拒歷五年之長茲已密圍巢穴火器圍攻腹

心潰內羽翼失傍

官軍初圍賊巢蟻衆猶負嶠抗拒  
我兵用火礮四面環擊賊自揣力

不能支日形窘迫先是逆酋之母姑姊妹情急來投  
自請遣人回巢招諭索諾木乃遣其兄岡達克彭楚



克以次詣營懇求皆就拘繫其黨惡之布籠普阿納木等先後求降山塔爾薩木坦等並經擒獲於是進圍益急賊勢日蹙官軍復摧其近礮斷其水道番衆恒懼紛紛潰出索諾木遂率其兄弟莎羅奔甲爾瓦沃維爾斯丹巴及兩土婦並助惡之大頭人丹巴沃維爾阿木魯綽窩斯甲尼瑪噶喇克巴偕兩喇嘛挈屬二千餘人出寨逆會跪捧印信羣泥首乞命由是罪人斯得獻俘奏凱

方將刷砮搜穴

利斧其吭生擒亦易旦夕滅亡乃始匍匐請命又安得比之內袒牽羊噶拉依者蓋其世守官寨故多深塹高牆我師萬層險歷千戰威揚譬之大木已盡去

其枝葉則本根亦可待其立殭然而逆賊有言官軍  
若至當毀其重器聚族焚而自戕使果如所云則雖  
獻馘蕝事終不如生獲盡美盡善之慶是蓋兇渠罪  
大惡極而且貪生苟延以致獻俘闕下明正典刑於  
是疆界厥地屯戍我兵鎮羣蕃而永靖樹豐碑以告  
成功歲在丙申仲春日吉時良

臣

等謹按金川之役仰賴我



皇上先幾炳哲

睿算無遺。衆勵一心。功成五載。恭讀

御製碑文。

天人順應之機。

國家命討之義與夫有戰必克不得已用兵之心

莫不昭示方來炳如日月古者告成於學惟

魯頌紀在泮獻馘之文。後世磨崖勒碑。率多



後陳功德豈如

今日犁庭奏績。冉駝叩笮。永慶銷兵。

神武布昭

奎文炳煥。非區區刻畫金石者所能媲美萬一也。



平定兩金川方畧卷首

天章二

降旨四川省供應兵過之各州縣緩征今歲錢糧

詩以誌事

壬辰

昨歲輪蠲蜀正供今年仍命緩征農為因小醜忽謀

逆靡已大兵往討兇

小金川僧格桑以舊屬土司侵吞鄂克什明正之地督臣屢檄

不悛是以分路進討竟至抗我顏行今約咱斑爛礮寨已破達圍之圍亦解乘此搗穴擒渠固可完局儻



竄入大金川或不卽遵諭縛獻勢  
必移師往征以蕞成事非得已也  
雖是軍需發國帑

豈無力役藉民從滇師並有加恩例

前年官兵赴滇一切俱發官帑

所過州縣錢糧節次加恩蠲緩並格外賜銀以給夫役例不准開銷者

肯致閭閻歎孔

印

自慙

夜不安眠晝問頻畫籌軍務每勞神自慙息事安民

念却類窮兵黷武人已是三年養狡寇

小金川逆酋僧格桑於庚

寅夏卽與鄂克什土司構怨稱兵總督阿爾泰提督董天弼親往誠諭逆酋卽遵教退兵比奏至朕以番蠻互相仇殺習俗使然旣知悔罪息爭亦遂釋而不問迨阿爾泰甫回未數月逆酋復於去年夏乘金川與革布什咱構釁仍圍鄂克什且與金川索諾木潛相勾結狼狽爲奸並敢築碉抗拒罪難更追而阿爾泰等尙思遷就完事屢加督飭阿爾泰等猶遲疑觀望雖稍進兵未得要領知其不足恃因諭溫福自滇赴川專司攻勦西路且命桂林前往南路經理後見其措置頗合宜遂罷阿爾泰命桂林代爲總督此去歲十一月事也小金川之役朕初意實不欲煩師旅今則兩酋同惡索諾木敢於助賊抗顏不得不並爲聲討未嘗不悔前此之失於姑息致三年尙未歲功茲實勢難中止並非好爲黷武也

柰逢兩



路誤庸臣

溫福初至西路軍營策勵將士卽攻破巴朗拉直取達圍進攻資哩數月而克之可

望乘勝采入乃因參贊五岱密訐溫福察其必係有過懼劾先發制人及命溫福查覆果列五岱罪狀以奏卽命色布騰巴爾珠爾代爲參贊大臣並同豐昇額往鞠其事色布騰巴爾珠爾甫抵軍營卽偏袒五岱輕信其言撻撻溫福細故人告朕鑒溫福之小過宜宥而其事必司員明德愆思所致因逮五岱明德訊究並治色布騰巴爾珠爾之罪而溫福已爲所誤月餘不能進剿矣至於桂林在南路其始調度深合機宜連破約咱卡了諸寨將自達烏抵僧格宗并令宋元俊收復革布什咱侵地方冀可成席卷之勢不意桂林器小易盈惟事安居酣飲不恤士卒及派將領問道攻取北山梁兩次告急桂林玩不赴援又不



夾擊策應致將卒等傷及二三千人桂林匿不上聞  
自此遂一籌莫展月餘不復進兵經阿爾泰等劾奏  
特命福隆安往訊若實當重治其罪而令阿桂代彼  
統兵督篆則仍授阿爾泰是兩路俱屈垂成均以事  
端岐阻延誤月餘實爲愆愆今溫福一路漸有起  
色惟冀阿桂至南路振作一新彼此速奏捷音耳  
庸  
臣過卽予之過易置佇聞捷報臻

定邊將軍大學士溫福奏報攻克布朗郭宗賊酋

僧格桑竄入金川整兵追剿小金川全平詩以

誌事 有序

小金川逆僧格桑恃與金川逆僧索諾木狼狽  
爲奸陸梁抗命索諾木潛爲黨惡助兵代其拒守  
因命大學士溫福爲將軍尙書公豐昇額副之統  
兵攻其西路而南路則以內大臣阿桂爲副將軍  
督兵並進所在山徑險仄賊得逞其負隅之計西  
自資哩美美卡路頂宗至明郭宗南自達烏甲爾  
木翁古爾壟至僧格宗皆峭壁懸崖礪卡林立將



軍等董飭官軍勵勇奮擊我領隊大臣侍衛並率  
衆先登始以大礮摧其堅繼乃覓間入其阻每克

一寨皆久經攻戰而後得其難如此及阿桂旣克  
僧格宗乘勝直入徑擣美諾賊巢逆會先期遁去

會溫福亦攻克明郭宗至美諾兩軍相合溫福等  
仍督兵窮追徑取布朗郭宗逆會復由僻徑竄入  
金川遂收底木達擒其父澤旺因而招徠汗牛撫



降別斯滿諸寨其大板昭亦傳檄而定小金川悉  
平時軍營奏至謂番境界在雪山之中茲值隆冬  
乃晴煖無冰雪衆以爲異此實賴

上蒼眷佑將士等得以利便集事第其徑涉艱險破碉  
奪隘諸勞績則不可以無紀今大軍進剿金川所  
當掃蕩鼠穴繫縛二酋以告歲事而

天之助順人之用命尤予所切望而深勗者俟大勲成

嘗倣平定西陲例凡戰地悉爲繪圖張之武成殿

壁圖系以詩此誌事之什特爲先聲之倡耳

美諾賊巢失

先是阿桂於月之初六日由南路督兵乘勝直擣美諾寨賊巢立破逆酋僧格

桑先於初五日見勢危急挾妾潛竄

布朗 讀如 挈眷

伊妻所居之布朗郭宗爲死守計

遷窮追期卽獲

溫福與豐昇額旣由西路統兵與阿桂會於美諾初九日卽由帛噶爾角

克分兵追勦直抵布郎郭宗四面截攻賊寨驚潰而

僧格桑知勢不支先將妻妾潛送金川自赴底木達

欲覓伊父土司澤旺澤旺閉門力拒僧格桑竟殺伊

人所遣傳語之人自由美臥溝小路翻山竄入金川

溫福等因撫定各寨人戶擒澤旺  
解京一面尾追僧格桑勿令免脫  
復遁本相連任爾

狼狽顧那容駢喙延小金之事  
葳黨惡問金川



平定兩金川方畧卷首

天章三

命緩徵川省過兵各州縣錢糧以誌事 癸巳

小金川蕞討金川不發難容矢在弦彼有謀深寧可

置

金川逆酋索諾木與小金川僧格桑狼狽為奸蠶食革布什咱鄂克什附近土司經官兵以次克復而軍營所獲降人且訊有逆酋商謀官兵回去再打木坪瓦寺直到維州橋不難之供今小金川雖悉平定而主謀未殄日後潛肆併吞是中朝費如許兵力轉以藉寇兵而齎盜糧邊境何由緩靖揆之理勢則

併勦萬難

中止也

我當功倍未宜捐

當官兵將破美諾賊巢時特授將軍副將軍叅

贊大臣等乘小金川既定統勝兵直討金川分道並進令明檄索諾木陰譎罪狀大軍伐謀不滅不休先破其膽且以作六師之氣堅隨征衆土司之心事雖定熟籌善後規制俾邊民共享一勞永逸之福

云輓輸

去聲

都無累亦念勤勞覺可憐一歲正供均緩

納爲民計久愛民先

天命緩徵陝西湖廣等省過兵各州縣錢糧詩以誌

事

文兩金川式畧款首



一省偶興兵鄰省率波及因悟佳兵非其柰狂番習

番人狡悍性成徒徇撫柔之名彼且狎而生玩故欲靖邊防而專任德化者既用自愚且滋貽笑古訓稱

克詰戎兵用緣不得已惟圖速寧輯始原聽蠻觸逆良非虛語

僧格柔以報私怨爲名圖吞鄂克什之地始因其同類相讎事所恒有惟命大吏往赴彈壓旋生反覆卽當入告籌進討乃阿爾泰惟事調停猶豫遂致養癰今卽小金川悉平定而移師直勦金川克渠不難並縛然始事已悔濡遲矣終乃類姑息當大示懲創雄師齊衆力

陝甘多勁旅滇黔慣批拉湖南况接蜀近山善攀陟



簡精各用長督以旗勇集小金已全定金川猶竄賊

掃穴雖可必未能期頃刻言念過師處允宜沛恩澤

緩徵以次第

陝西寶雞等六十四州縣廳甘肅隴西等五十三州縣廳湖廣竹山等五十七

州縣廳雲南思安等八州縣廳貴州畢節等十七州縣各詳核該地方人戶出力等差酌定加恩緩徵分數及帶徵年限務令被澤適均

間間恩徧給夙鄙問惠心祇覺抱慙

德

過南嶺閱武兼遊實勝寶諦諸寺卽事成什

健銳建是營乃自己始其時定金川名實勝緣此

畏而赦盡勦將謂革心矣十年卽漸猖蠶食鄰弗止

然猶俾安撫屢撫屢背詭

前此征勦金川大兵壓境  
莎羅奔郎卡窮蹙乞降冀

其誠心前革遂允所請赦弗加誅甫及十年卽與鄰  
封土司構釁攘奪相尋屢經督提撫諭而止郎卡死  
其子索諾木兄弟竟敢背恩肆逆且有蠶食諸番侵  
及維州橋之意而小金川逆監僧格桑與之狼狽爲  
奸鴟張自恣初皆未之知也庚寅夏僧格桑與鄂克  
牛修怨稱兵阿爾泰董天弼親往誠諭奏言逆酋已  
遵教退回朕以番蠻互相仇殺旣知悔罪息爭姑且  
釋而不問孰意阿爾泰等竟以鄂克什之地斷歸僧



格桑希圖遷就完事匿不上聞益爲逆酋所輕視不  
數月索諾木遂侵殺革布什咱僧格桑復攻圍鄂克  
什並敢築碣抗拒逆迹益彰勢難中止辛卯冬始興  
問罪之師二酋如此黨惡跳梁非併力翦滅必貽後  
患因悔始之曲原赦罪繼之不欲加兵皆未  
免失之姑息今不得不爲除惡務盡之舉矣 尾大不

可掉問罪師無已儻拉雖蕩平

小金川番語謂之儻拉去年冬攻破美諾

平定其地僧格桑竄入

促浸境今抵

促浸番語謂金川也今溫福由

金川擒其父澤旺解京

功噶爾拉移兵昔嶺阿桂抵當噶爾拉豐昇額至日  
旁山梁並扼金川險要連次破碣殺賊卽日可望采

入徒以春雪多兼之險可恃武雖闕於斯功願成以



適實勝豈徒然寶諦力並企正法如日照么磨技徒

爾

番地春雪本多蓋山高氣寒所致即今已交夏令  
日色暄暖自漸雪霽冰銷易於得進賊雖有險亦

不足恃藉日賊能為札達祈  
雪彼邪不勝正技將安施耶  
起暇縱遊茲馳念惟厘

彼

復雨

六月廿四日夜

復雨輒復愁我愁紛有故間

去聲

作非膩霖大田未潦

洳所慮漲水發怒波衝驛路軍書盼孔亟遲或誤裁

務困獸竟反噬猖獗邀隙遽初爲遁逃藪繼乃狼狽

助縱回騷糧臺遮却更險據

小金川逆酋僧格桑與金川逆酋索諾木狼狽

爲奸侵吞鄰境拒抗王師不得已命將申討去年冬  
攻克小金川僧格桑窘迫喙走由美臥溝竄入金川  
大軍進勦期於掃蕩賊巢併擒逆豎惟時命董天弼  
駐守底木達等寨以扼美臥溝要隘孰意僧格桑復  
萌逆惡於六月初一日竟從去路潛來冀佔舊巢並  
擾軍營後路乃董天弼庸懦無能先旣退居美諾及  
溫福嚴飭始回底木達仍另立一小營不在官寨防  
守致爲賊酋窺伺乘間攻破卽佔據底木達布朗郭  
宗兩寨並煽惑降番復叛搶奪帛噶爾角克碉科多  
一路糧臺擾截木果木後路逆酋罪大惡極實爲覆



載所不容而董天弼之玩懦貽誤亦死有餘辜矣思之深切憤懣

還軍有差跌懦卒

散羣驚致失我賢臣痛惜言難喻

先是溫福接劉秉恬札知賊番侵擾

糧臺之信卽派叅贊海蘭察統兵馳赴劉秉恬處援  
勦藉以無虞不期初十日且賊竟侵至木果木山後  
而防駐之德爾森保毫無措置以致失守賊遂竄入  
溫福軍營綠營兵衆見賊先驚倉皇潰散僅存滿洲  
兵百餘溫福率以擊賊竟致受創捐軀聞信深爲震  
悼雖加恩贈襲伯爵祠祀昭忠並賚貲助喪實不足  
以喻我痛惜之懷耳

旗兵之未遣綠營之徒付圖省從公議可

恃忘深慮

去年春已簡派八旗兵三千備赴軍營因  
溫福阿桂俱奏滿洲兵一人費至綠營三



倍欲多用綠旗兵可不發京兵遂爲其言所惑不復  
深計因而中止設使溫福軍營賊至時有滿洲兵千  
餘在彼則綠營得所依恃亦不致潰竄失事是仍由  
溫福自誤予之輕信亦誤今悔已無及矣所幸阿桂  
一路調度得宜收戮徽番斷其內應復分路掩擊殺  
賊四五百衆並安章谷後路臺站軍心鎮定糧儲軍  
火充餘足資倚任因卽命爲定邊將軍並派健銳火  
器營兵二千吉林黑龍江兵二千伊犁厄魯特兵一  
千迅赴軍營重籌進剿  
以申國威而張撻伐

追悔何嗟及聚銅大錯鑄賊

計誠益詭賊罪越難 怨禁旅發精勇雪仇無返顧

天自鑒曲直我豈爲窮

續

叶 兩金川之役初意並不  
欲加兵而逆酋等敢於黨惡

逆命遂不得不加申討乃竟抗我顏行勢難中輟曲  
直所在上蒼自能昭鑒並非予之有意窮兵黷武  
吾誰欺欺天乎今逆會詭變若  
此實爲罪惡貫盈自速滅亡耳  
勤勞遑敢辭國威

### 要揚布

喜晴 六月廿五日

歷辰猶細霖傍午遂大霽農功幸益佳軍營亦信遞

自聞溫福軍營失事之信阿桂軍報數日不至其後  
路科多新橋一帶亦有賊梗阻深爲懸注今早始得  
其十三日所奏軍營寧貼情形乃另  
從章谷一路馳遞者覽之始得慰懷  
未然防已周先



覺誅奸細從逆盡勦滅可疑亦別置以此當噶拉安

然若無事總俟重進師應迴美諾至

阿桂一聞賊匪侵擾底木達布

朗郭宗之事料其必有小金川番人內應預爲防範復偵知降番被煽從逆者多卽遣兵分路勦洗其有自金川潛至番寺者卽并喇嘛誅之並將近寨丁男移置他處收其兵器而頭人之可疑者則羈之營中不令回寨是以當噶爾拉全營軍心鎮定因諭阿桂卽撤兵回至美諾殲除羣賊收復底木達等寨並擒逆豎僧格桑將小金川全境廓清駐軍以待京兵至日另籌進勦是阿桂一軍之安所繫甚重固由其調度有方亦實賴

上天嘉祐耳未逮難收拾



嘉護感

天賜

自咎

自咎用人差用人真匪易昨歲平儂拉

番語謂小金川

頗屢

建勲幟

木果木軍營之潰實由溫福之失策儂轅而誤認溫福子惟引咎自責然所以用溫福者

亦因其於軍務尙曾經練此外更無可任之人當阿爾泰因循玩誤時遂命其由滇入蜀代阿爾泰統兵伊甫至軍營卽攻克巴朗拉收復達圍等處軍聲大振因卽授以將軍尋與阿桂分路平定小金川屢著

勲績初不料其昧於馭下疎於自防敗績喪師遽至於此用人之難不誠然乎而何勦促浸

番語謂

金川 持久遇險地遇險未能進我豈過責備倉卒

賊遮却周防合深計乃竟閉營門不顧夫役輩

叶溫福

自進攻金川以來由功噶爾拉移兵昔嶺亦頗奮勉  
勦擊屢破賊弼而賊恃險抗拒不能卽進然未嘗加  
以責備乃溫福既聞賊匪自美臥溝竄入小金川佔  
據底木達布朗郭宗且擾及劉秉恬所駐之簇拉角  
克已令海蘭察等率兵往援卽應自爲嚴防勿使賊  
衆侵軼後路方是顧以山後要隘僅委之德爾森保  
以致荒唐貽誤賊因得直至溫福大營先劫礮局後  
斷水道溫福倉皇無措堅閉四面營門致客民夫役



數十無可依託紛紛散去使彼時收之營內爲護持  
卽備人數以助軍威亦無不可乃竟拒而不納旣示  
賊人以弱且致搖惑  
衆心其失算實甚矣  
若輩羣奔散綠營遂逃棄因致

賊大逞禍延多將吏

時溫福營中兵數幾及二萬不  
爲不多乃以調度失宜致綠旗

懦卒一聞賊至且見人夫驚散遂皆喪膽亡魂相率

奔潰溫福僅攜百餘人衝出遇賊身殞初軍營報至

方惜其爲國捐軀予以一等伯爵世襲罔替繼知其

潰散之由並據富勒渾等查奏陣亡文武大小各員

多至數十人而將弁兵丁之未出者又三千餘人實

皆溫福一人所誤使其身尙存罪在不赦豈可復膺

五等之封因降旨削除伯爵然猶念其沒於王事仍

交部照例議卹使旌罰各不相掩其陣亡文武則特



勅優卹之褒忠之典雖施而其中若提督馬全牛天  
昇副都統巴朗阿爾素納等並皆出力有用之材爲  
之嗟悼不置且同時陷歿  
如許之多尤爲心惻耳  
挫跌以此無憤赧刻難置  
國家百餘年用兵多矣從無似此失挫者總因營中  
無滿洲兵以致僨事若此亦由溫福阿桂倡議不用  
旗兵所誤予亦誤信其言今悔已無及惟有調派八  
旗勁旅及各省銳兵數萬並簡曾經立功之大臣等  
帶往與阿桂另籌進勦以期所向克捷掃穴擒渠庶  
洩群人之憤且慰死事者之心而予不得已而用兵  
之衷與今日難以中止之勢  
則宣示中外俾衆共踰焉  
旗兵悔未用事後羞稱

軍報

軍報七千里十餘日馳至雖悉心裁酌彼處形又異  
是在領兵者相機爲進退於古有名言軍情弗遙制

命宜喜還師意因接阿桂

初木果木軍營失事海蘭察等尙駐兵美諾與阿桂

聲息可通方冀開其後路會勦逆賊及聞美諾亦失  
阿桂以孤軍留駐當噶爾拉賊益鴟張而外無策應  
深切憂懸雖屢勅大臣等候續調之兵到川攜以往  
接猶恐遠不及事計惟宜喜軍營距當噶爾拉稍近  
因迅諭豐昇額等  
速統兵擇路赴援  
持重弗肯還詳陳彼地勢阿桂亦



已出而無意外事據險圖再進

先因收勦底木達布朗郭宗之事命豐昇

額督兵赴大板昭斷賊歸路既乃命其往援阿桂及豐昇額接奉赴勦大板昭之旨已聞美諾失守因計議謂去亦無益且恐倉猝移營軍儲不暇保護並致綽斯甲布土司窺伺生心設有疎虞後圖難繼奏請仍駐宜喜以資控馭迨奉往援當噶之旨又以已得阿桂信復申前說豐昇額後次奏摺未至而阿桂已奏自當噶爾拉全師而出退據翁古爾壘爲再進計且於卡埡至章谷嚴密周防余懷始得稍慰

兩

路均吉利視若違吾旨實乃合吾意

當此軍書絡繹宵旰運籌每有

所見輒爲隨宜指示然郵函馳往最速亦旬餘始達軍事移步換形況料敵於六七千里以外豈能必其



如終不爽往往有傳諭甫數日續接奏又復迥不相  
侔深慮其以拘泥貽誤故有似遵旨而不當事機似  
違旨而深合吾意者惟在將軍等之臨事斟酌不  
意豐昇額舒常初膺委任竟見及此深爲嘉慰

有

臣而若此實爲國之瑞溫福吾舊臣僨轅翻禍致一

慶一以慙憤懣刻弗置勁旅簡重征

溫福之失固因  
不得人心而又

漫無措置然實有持意不用滿洲兵致爲綠營懦卒  
所誤今簡派健銳火器兩營及吉林索倫勁旅荆陝  
駐防精兵遄赴軍營以  
期整旅復進迅滅金川  
勦逆洗深愧  
阿桂奏現今馳  
赴日隆一帶整  
頓舊兵籌度收復小金川仍分西南兩路進勦之事  
並酌定分勦金川進兵道路志在必掃賊巢務擒賊

會誅磔以雪憤恨因舉軍營重務悉以委之並擇順  
治年間愛星阿所佩征緬得勝之定西將軍印授之  
佇望早  
衆正  
馳捷奏

# 天助順大舉期功遂

## 悔過

屢宣軍中人並觀更兼聽

軍營大臣侍衛等如巴雅爾富興齊里克齊福康安

前後至行在詢其軍中之事所言雖不盡相同  
而於溫福之庸妄僨事則衆口如一白屬公論  
口碑

出輿論益悉庸臣行剛復惟自是曾不集思定築礪



將及千工作勞衆病

溫福口吃而性急每當前席奏事往往因言未能達詞氣俱悖

者其於朕前尙然何況臨下意其失不過如此今詢之知溫福剛愎躁妄自以爲是叅贊以下並不虛衷集議卽言亦不見聽動輒盛氣陵人以致衆皆解體卽如溫福於營中築礮卡令軍士搬運木石工作無時人多疲乏亦取怨之一端也

兵多分乃少攻勤翻鮮勝

溫福軍營兵衆幾二

萬乃以萬餘兵散列及千卡兵本多而分之使少遂致勢渙力單盡歸無用實爲失算又每隔數日卽派兵撲礮不計地勢險易攻勦之能制勝與否驅令輕冒鎗石惟藉以爲奏事塞責之具每次士卒傷亡數十而所殺賊不及其半以此兵心愈失然事前實不能知其乖張之若此也

每晚虛施礮



平定回疆方略卷三十一  
二  
不惜火藥罄是皆軍所忌溫福蹈之併以致賊邀隙  
情渙羣逃迸然此將半載不知實我憫自古信將帥  
謗篋有弗證旣已付之權豈宜設伺偵孰謂致債事  
悔過徒慙恫觀過或知仁解嘲聊有咏

將軍阿桂副將軍明亮奏報攻獲賊碉戰勝各情

形詩以誌事

討罪復仇重整師羽林黑水簡熊羆到齊甫報發征

肅自蜀欣看至捷旗

征勦兩金川以來僅調派各省綠旗兵而滿洲勁旅於選定之

後因溫福阿桂奏止遂未發往以致事不足恃茲整兵再進宜籌萬全因簡健銳火器兩營兵二千並吉林黑龍江兵各二千按隊邁進於十月中俱已入川昨阿桂奏派兵分路並進於十月二十七日啓程并與明亮相訂均於二十九日同時進兵收復小金川而兩將軍隨馳函報捷皆十一月朔日所奏也西路兩朝據鄂什

阿桂在西路統兵又派海蘭察富興成德積福成果等同侍衛章京共爲

五路領兵進勦今奏廿九日子時諸軍迅發阿桂色布騰巴爾珠爾福康安福珠里分路策應是日卽攻克資哩木拉斯底普爾瑪阿喀木雅東溝及斯達拉阿喀爾布里碩藏噶山梁色布色克美美卡東瑪色



渠十一處礮卡三十日攻克阿喀木雅山上大礮直  
取木闌壩乘勢攻得鄂克什官寨賊人遁入路頂宗  
官兵乘銳進攻以期卽克攻礮時賊衆並悉力拒守  
見官軍勇猛難禦所至奔竄我兵追擊殲賊甚多并  
俘獲生口二人

### 南軍連日克丹思

南路官兵以明亮統之亦  
爲兩路以富德奎林分領

明亮督兵策應仍分三支爲前後聲援又令三寶帶  
兵設伏牽制賊勢今奏於廿九日夜半進兵明亮卽  
攻克得里富德攻克河北喇嘛寺日寨繞出得里之  
前會兵奮勇直取赤爾丹思奎林亦攻克河南之得  
布用所至賊皆始拒終潰勦  
戮二百餘獲鎗仗火藥無算  
那忘昨歲艱如彼孰謂

今番迅若茲

西路之阿喀木雅美美卡木闌壩皆地  
險礮堅昨歲攻至半年之久始得南路



之得里等寨亦然今乃於僭拉易爲原逆料促浸如  
兩日間攻克之實爲迅速

### 故尙遲疑

小金川番語稱僭拉而促浸則金川番名也予向以僭拉降番雖爲僧格桑脅誘復

叛今見逆酋爲索諾木攜去久且爲促浸所併其衆  
必懷怨望而促浸羣賊代僭拉守拒主客之勢不同  
斷難持久收復小金川之尙易爲力早籌度及之曾  
屢諭將軍等今果如所料至金川則險隘如前於制  
勝之道尙無把握聞其賊酋色達爾賊目丹巴沃雜  
爾在美諾聚賊佔據二賊皆索諾木所恃爲主謀助  
惡若能將二人設法擒獲則賊黨剪除勦平金川之  
機可得十之六七果爾予心方爲稍慰惟仰賴  
蒼嘉佑並在將  
軍等之用力耳  
衆兵鼓勇斯宜耳諸將戒盈仍訓之

此次得勝之速固由添派八旗精銳勇往直前綠營  
兵有所倚仗亦皆效法知勉是以所向克捷但究覺  
得之太易恐賊人狡計讓我深入賊或在後抄截不  
可不防官兵方乘勝采入自不宜使知此意惟當鼓  
其銳氣奮勇成功若領兵之將軍叅贊等則不可因  
連勝稍存矜滿必深體滿招損謙受益之訓慎之又  
慎方能有濟隨傳諭切戒之並命兩路將軍叅贊並  
查在事出力之將領弁兵交部議敘其攻戰時傷亡  
兵卒雖屬無多亦  
令查明咨部議卹  
賜卹獎功施次第莫遺無濫慎叅

差佇當二豎成擒日始得吾心畧慰怡

將軍阿桂奏報克復美諾詩以誌事



收復小金原意料似茲迅速不期中

收復小金之易  
子早逆料及之

茲據阿桂奏官軍於十一月初一二等日連克路頂  
宗明郭宗諸險隘並攻得別斯滿兜烏帛噶爾角克  
碉現已克復美諾駐守其地計自二十九日進兵詎  
以來不過五晝夜卽已集事實不意其如此之速詎  
因事順或滿志尙以賊逃未愜衷

官軍攻勒卡碉時  
有躍入碉墻斬殪

賊衆者有賊正奔潰追擊殲斃者其墜仆厓塹之賊  
更無算並收獲礮位十餘米百餘石器仗乾糧亦多  
惟小金川賊目七圖安堵爾聞官兵已上山梁卽棄  
美諾而去自必仍竄入金川渠魁未卽就擒實爲可  
惜是以雖聞捷音不以爲喜並諭將軍勿以事順自  
滿卽宜乘勝速行分路進剿促浸以期制勝此穴出



力將士仍  
飭部議敘

獎績並教子優敘乘機還廟奏膚功先聲

討逆軍威振諒彼遊魂計亦窮

將軍阿桂奏報收復小金川全境詩以誌事

事之將難上峻山事之將易下順水旬日全定小金

川幅員五百有餘里

自十一月十四日接阿桂美諾捷報後十九日復據奏海蘭察

由別斯滿一路於初三日直壓帛噶爾角克取岱都喇嘛寺隨攻克布朗郭宗底木達獲糧約四千餘斛其明亮之所勦河北河南各寨落以次收獲廿三日又據奏小金川授三等侍衛銜穆塔爾報稱大板昭

馬爾當曾頭溝各寨番人俱懇請投降其汗牛各寨  
番民亦各投順並聲敘從前不敢附賊之語自初一  
二等日攻取明郭宗各寨至此收復小金川全境僅  
及旬日實爲迅速其自美諾經底木達至大板昭計  
程二百四五十里而自美諾由南迴思六月僨事時  
路至汗牛一帶程途亦約畧相同

猖獗賊亦迅若此一朝失亦一朝得

天道好還原定理整兵直進討促浸雪嶺險滑仍如彼  
擬欲持以久困之復慮師老致委靡賈勇及鋒而用  
壯收復僭拉之易朕久意料及之至進剿促浸恐未  
能迅速集事因諭阿桂等訪覓妥捷之徑分兵夾



攻或可易于得手其功噶爾拉當噶爾拉兩路只可用為牽制賊勢若仍作為止路恐賊人抵禦如故即或待以日月持久困守又恐師老志懈自當乘此新勝銳氣令其賈勇直前及鋒而用自為事半功倍

一月三捷心焉企我非黷武願佳兵捷伐由來不得

已